



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 39. Decretum Concilii Florentini de unione Græcorum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

id tantum si excipias, quod Pontificis so-
lemni ritu Sacrum celebraturi thronus
ante Altaris faciem collocatus fuerit. Ce-
terum universus Reipublicæ Magistratus
intervenerat, omnesque non solum Lati-
ni, sed & Græci servato dignitatum sua-
rum ordine ad summum Pontificem ac-
cesserant, illique profundam reverentiam
exhibentes, manum ejus religiosissime de-
osculabantur. Postea Hymno *Veni Crea-
tor Spiritus* ab Imperatoris Musicis con-
cinne decantato, summus Pontifex ritu
latino rem divinam fecit, qua absoluta
thronum suum ad dextrum Altaris latus
positum repetiit, ac Imperator læva ex
parte solium suum occupavit, ceterique
omnes Præsules sacris vestibus induti, in
humilioribus longe scamnis confederunt:
Dein a Juliano Cardinale sequens unionis
decretum latine primum, postea a Bessa-
rione Niceæ Metropolitæ Græce perle-
ctum est. En illius tenorem.

§. XXXIX.

*Decretum Concilii Florentini de unione
Græcorum.*

*Eugenius Episcopus, Servus Servorum Dei Conc. Labbe
ad perpetuam rei memoriam, consentien- tom. 13. p.
te ad infra scripta carissimo in Christo Fi- 510.
lio nostro Joanne Palæologo Romæ Im-
peratore illustri, & loca tenentibus venerabi-
liss. Eccles. Tom. XXVII. Gg lium*

Sæcul. XV.
A. C. 1439.

lium Fratrum nostrorum Patriarcharum, & ceteris Orientalem Ecclesiam representantibus. Lætentur cæli & exultet terra: solatus est enim de medio paries, qui Occidentalem Orientalemque dividebat Ecclesiam, & pax atque concordia rediit, illo angulari lapide Christo, qui fecit utraque unum, vinculo fortissimo charitatis & pacis utrumque iungente parietem, & perpetuæ unitatis fœderi copulante, ac continente; postque longæ mœroris nebulam, & dissidii diuturni atram ingrathamque caliginem, serenum omnino optatæ unionis jubar illuxit. Gaudent & Mater Ecclesia, quæ filios suos hæcenus invicem dissidentes, jam videt in unitatem pacemque rediisse, & quæ antea in eorum separatione amarissime flebat, ex ipsorum mira concordia cum ineffabili gaudio omnipotenti Deo gratias referat. Cuncti gaudentur fideles ubique per orbem; & qui Christiano censentur nomine, Matri Catholice Ecclesie collætentur. Ecce enim Occidentales, Orientalesque Patres post longissimum dissensionis atque discordiæ tempus, per maris ac terræ periculis exponentes, omninoque superatis laboribus, ad hoc sacrum Oecumenicum Concilium, desiderio sacratissima unionis, & antiquæ charitatis redintegrandæ gratia, læti alacresque convenerunt, & intentione sua nequaquam frustrati sunt. Per solutis hisce aliisque gratiarum actionibus, decretum profequitur:

Car-

Convenientes Latini ac Græci in hac sacrosancta Oecumenica Synodo, magno studio invicem usi sunt, ut inter alia etiam articulus ille de divina Spiritus sancti processione summâ cum diligentia & assidua inquisitione discutetur. Prolatis vero testimoniis ex divinis Scripturis, plurimisque auctoritatibus sanctorum Doctorum Orientalium & Occidentalium aliquibus quidem ex Patre & Filio, quibusdam vero ex Patre per Filium, procedere dicentibus Spiritum sanctum, & ad eandem intelligentiam aspicientibus omnibus sub diversis vocabulis, Græci quidem asseruerunt, quod id, quod dicunt Spiritum sanctum ex Patre procedere, non hac mente proferunt, ut excludant Filium, sed quia eis videbatur (ut ajunt) Latinos asserere Spiritum sanctum ex Patre & Filio procedere tanquam ex duobus principiis, & duabus spirationibus, ideo abstinerunt a dicendo, quod Spiritus sanctus a Patre procedat & Filio. Latini vero asserunt, non se hac mente dicere, Spiritum sanctum ex Patre Filioque procedere, ut excludant Patrem, quin sit fons ac principium totius Deitatis, Filii scilicet ac Spiritus sancti aut quod id, quod Spiritus sanctus procedit ex Filio, Filius a Patre non habeat; si- ve quod duo ponant esse principia seu duas spirationes, sed unum tantum asserant esse principium, unicamque spirationem Spiritus sancti, prout hactenus asseruerunt. Et cum ex his omnibus unus, & idem eliciatur veritas

Sæcul. XV. tatis sensus, tandem in infra scriptam san-
A.C. 1439. ctam, & Deo amabilem eodem sensu, eadem-
 que mente unionem unanimiter concordarunt,
 & consenserunt.

In nomine igitur sanctæ Trinitatis, Pa-
 tris & Filii, & Spiritus sancti, hoc sacro
 universali approbante Florentino Concilio de-
 finimus, ut hæc fidei veritas ab omnibus Chris-
 tianis credatur, & suscipiatur, sicque omnes
 profiteantur, quod Spiritus sanctus ex Patre
 & Filio æternaliter est, & essentiam suam
 suumque esse subsistens habet ex Patre, &
 & Filio, & ex utroque æternaliter tan-
 quam ab uno principio & unica spiratione
 procedit. Declarantes, quod id, quod sancti
 Doctores & Patres dicunt, ex Patre per Fi-
 lium procedere Spiritum sanctum, ad hanc in-
 telligentiam tendit, ut per hoc significetur, Fi-
 lium quoque esse secundum Græcos quædam
 causam, secundum Latinos vero principium
 subsistentiæ Spiritus sancti, sicut & Patrem.
 Et quoniam omnia, quæ Patris sunt, Patrem
 ipse unigenito Filio suo gignendo dedit, pro-
 pter esse Patrem, hoc ipsum quod Spiritus sanctus
 procedit ex Filio, ipse Filius a Patre
 æternaliter habet, a quo etiam æternaliter
 genitus est. Definimus insuper, explicatio-
 nem verborum illorum, Filioque veritatis de-
 clarandæ gratia, & imminente tunc neces-
 sitate, licite ac rationabiliter symbolo fuisse
 appositam.

Sæcul. XV.

A. C. 1439.

Item, in azymo sive fermentato pane triticeo, corpus Christi veraciter confici, sacerdotisque in alterutro ipsum Domini corpus conficere debere, unumquemque scilicet juxta suæ Ecclesiæ sive Occidentalis sive Orientalis consuetudinem. Item, si vere pœnitentes in Dei charitate decesserint antequam dignis pœnitentiæ fructibus de commissis satisfecerint & omisis, eorum animas pœnis purgatoriis post mortem purgari, & ut a pœnis hujusmodi releventur, prodesse eis fidelium vivorum suffragia, Missarum scilicet sacrificia, orationes, elemosynas, & alia pietatis officia, quæ a fidelibus pro aliis fidelibus fieri consueverunt, secundum Ecclesiæ instituta; illorumque animas, qui post Baptisma susceptum, nullam omnino peccati maculam incurrerunt; illas etiam, quæ post contractam peccati maculam, vel in suis corporibus, vel eisdem exuta corporibus (prout superius dictum est) sunt purgatae, in cælum mox recipi, & intueri clare ipsum Deum trinum, sicuti est, pro meritorum tamen diversitate alium alio perfectius: Illorum autem animas, qui in actuali mortali peccato, aut solo originali decedunt, mox in infernum descendere, pœnis tamen disparibus puniendas.

Item, definimus sanctam Apostolicam sedem, & Romanum Pontificem in universum orbem tenere primatum, & ipsum Pontificem Romanum successorem esse beati Petri principis Apostolorum, & verum Christi Vicarium,

Gg 3

totius-

Sæcul. XV.

A. C. 1439.

totiusque Ecclesie caput, & omnium Christianorum Patrem, ac Doctorem existere; & ipsi in beato Petro pascendi, regendi ac gubernandi universalem Ecclesiam a Domino nostro Jesu Christo plenam potestatem tractam esse; quemadmodum etiam in gestis Oecumenicorum Conciliorum, & in sacris Canonibus continetur. Renovantes insuper ordinem traditum in Canonibus ceterorum venerabilium Patriarcharum, ut Patriarcha Constantinopolitanus secundus sit post sanctissimum Romanum Pontificem, tertius vero Alexandrinus, quartus autem Antiochenus, & quintus Hierosolymitanus; salvis videlicet privilegiis omnibus, & juribus eorum. Idem Florentie in Sessione publica Synodi solemniter in Ecclesia majori celebrata, anno incarnationis Dominicæ millesimo quingentesimo tricesimo nono pridie Nonæ Julii (id est sexta) Pontificatus nostri anno nono. Ceterorum omnium primus summus Pontifex subscriptus legitur.

§. XL.

Decreti unionis subscriptio.

In actis hujus Concilii summi Pontificis subscriptio præmittitur, dein Latinorum nomina leguntur, nempe, octo Cardinales, ex quibus quatuor erant Presbyteri Cardinales tit. S. Crucis; tit. S. Clementis; tit. S. Marci; & tit. S. Sabinae